

niaza dit, lthgũkshk ga dumt shiebunshk ga Shimoigiat ga Lakāga gũ al wha ltha di niaza dit?

21 Ada gwai yaoulthemgushk ga da wātk gum gish niat, Gũt nāt in shiebunshk ga Shimoigiat ga Lakāga di shiebun da waik dit.

CHAPTER V.

1 Ligit nā shimhoudiksha didā ninish Christa gut Jesus ga, nini kshalaklagut gish ga Shimoigiat ga Lakāga : adat ligit nā t'in shiebunshk ga nat in da goiduksht ga di shiebunt ga nha kshalaklagut gish niat.

2 Gwai dup gun wilai dup shiebunsh ha klthgũsh ga Shimoigiat ga Lakāga, da dup shiebunsh ga Shimoigiat ga Lakāga, dilt dup wā'ansh ga yaoulthemgushk gut ga.

3 Awil gwai ga na shiebunshk gish ga Shimoigiat ga Lakāga, gũ dup dum dukiāgwush ga na yaoulthemgushk gut ga : ada althga ligi bilbakiakshk gish ga na yaoulthemgushk gut ga.

4 Ligi gau kshalaklaga didāsh ga Shimoigiat ga Lakāga gagutgiada da halizogut : ada gwaya gungagutgiadit gũ kshā didā halizogut nini na gashimhoudikshumt.

5 Ada nā da gũ gagutgiada didā halizogut, yagai ninish niadit gũshimhoudiksha didā yagai niada Lthgũlthk gish ga Shimoigiat ga Lakāga gish Jesus?

6 Nini gwai nha wila goiduksha didā akshit dilt lthē, ninish Jesus Christ, althga amuksha shpagaitaksh, yagai shpagait akshit dilt shpagait lthēt.

7 Ada nish ga Haik ga magaunshk gut ga, awil ninish ga Haik, ga shimhou ga.

8 Awilnini gwiil da mukmagaunshk

ga dit, Haigut; dilt Akshit, dilt lthēit; ada shagait gũel wila hou gwiil dit.

9 Amiza dup anauga na magaunshk ga giadit, gawileksh ga na magaunshk gish ga Shimoigiat ga Lakāga : awil gwai ga na magaunshk gish ga Shimoigiat ga Lakāga gũ ltha lip magaunshk gut gish ga wila wāls / ga Lthgũlthk gut ga.

10 Nā ga shimhoudikshit gish ga Lthgũlthk gish ga Shimoigiat ga Lakāga lūhokshk gaga magaunshk gut gish niat : nā wha shimhoudiksha dit lthat wālmush sha hũbiksh ga Shimoigiat ga Lakāga ; awil althga shimhoudiksha dash gana magaunshk gish ga Shimoigiat ga Lakā gish ga wila wāls ga Lthgũlthk gut ga.

11 Ada gwai ga magaunshk gaga, gũ lthat ginamt ga Shimoigiat ga Lakāga whati shābām gundidōlsh ga gum, ada nini gundidōlsh a gwai lūhokshk gut gish ga Lthgũlthk gut ga.

12 Nā wil shgũsh ga Lthgũlthk gaga wil di shgũ gundidōlshit : niat ga gũ wil wha shgũsh ga Lthgũlthk gish ga Shimoigiat ga Lakāga althga di shgũsh ga gundidōlsh ga.

13 Ltha damũ gwāya gwashim, ma dum shim wil wilai didau whati shābām gundidōlsha da gwashim, ninish nūshimt gũ gashimhoudikshit gish ga na wāsh ga Lthgũlthk gish ga Shimoigiat ga Lakāga.

14 Ada gwai gun waiyikyaukshk gum gish niat, gũ zida dup gwanōlth ligi gau niwālt ga na shagaudk gut ga, ada amōkshit ga gum ;

15 Ada amiza dup wilait naknōma ligi gau gwanōyum wilaiyim, dup da'aklthk ga na gwanōmum gũ wha gwanōyum dash niat.

16 Amizat nisht dit ligit nā wil hadak ga waik dida hadak ga dum wha hazak dit, dum gwanōmat, ada